


鄉禮合編

乳



御製養老務農頒行小學五倫行實鄉飲酒禮

鄉約綸音

王若曰予聞之夫子觀於鄉而知王道之易易
觀政在朝觀俗在野政之所及者淺俗之所得
者深故善乎觀人之國者必先其野而後其朝
肆予膺天之嘏恭逢 慈宮週甲期與八方臣
庶共其樂尊年錫類之典無所不用其極而觀
於朝政無可紀觀於野俗不維新惟予一人否
德不敢比先王觀也每中夜以思忘寢屢興憫
近俗之難矯慨初心之多翼予之所自期豈欲

如斯而止乎哉人心安則逸逸則玩玩則縱而浪遂至沈酣豢養於積累昇平之樂而幼違蒙養之正長乏師受之益指拘檢為迂詭視靡誕為活計自少至老若不知天叙天秩之有典有則三孟揖讓固尚矣風流之篤厚亦難乎一變而至夫愛親者不敢惡於人敬親者不敢慢於人以其廣敬而因本也故虞夏商周之相承富德親爵之有殊而齒則不遺者蓋年之為貴次於事親也凡今之人不畏遺年也故其弊也為五品之不遜經曰先王有至德要道以順天下

故忠可移於君順可移於長治可移於官傳曰
人人親其親長其長而天下平廣敬因本之責
予方及求之不暇而物候窮則天根露習氣盡
而真情見意者時雍日新之機追其今乎小學
一書即學校始教之次第節目也以予寡昧尚
賴先大王導迪之恩記在童習之年粗收日
講之力世之子弟雖不及遍通六經或庶幾勉
勉持循於做人樣子而邇來學日益渝教日益
弛此書隨而東閣予為是瞿爰命內閣之臣就
訓義而攷證之且三綱二倫行實等篇為輔治

勵世之具與小學書不可偏廢釐為一編命之
曰五倫行實予又思之一日禮行風動四方惟
鄉飲酒近之是禮也休老而勞農導歡而序齒
明貴賤而辨隆卑正身安國之要率是以興也
粵我世宗盛際創行養老宴三綱行實之頒
下亦在其時民到于今舉切親賢樂利之思而
不能護予小子其敢不修述焉然鄉約之於化
民成俗亦易為力朱夫子蓋嘗月朝讀約三代
之制如復可見予故曰因今之民變古之俗彼
之以仁義示之以本實鄉約之效不差於鄉飲

酒此規亦不可不講而明之機務之暇彙成鄉
飲儀式鄉約條例欲其委曲周摯文質俱備偕
我同胞之民油然而起感肅然知序苟使是舉不
歸於徒法徒言則何頌之敢梗何愚之不明乎
咨爾有衆毋侮古訓毋迂予言俛焉孳孳惟茲
飲茲約是講是遵其君子若生三古而秉周禮
其小人若捧乘矢而游矍圃一切知菽粟可去
而親親長長之不可斯須去以為人乎何暇他
求即此而民志壹世教靖予與爾有衆共享无
疆之祚以對越天地之耿光以丕承祖宗之

謨烈尚克時忱其永有賴觀乎朝野彬彬改觀
則受豐福而享勲力其在斯乎其在斯乎故曰
老老而民興孝又曰老吾老以及人之老值三
元之嘉會祝萬壽於慈宮仰瞻韶顏喜騰難
老推而廣之休寧羣老羣老之休且寧顧不係
於豐年之多黍多稌乎故勞農為休老之本四
日得辛則熟十日得辛則稔熟既驗於昨歲稔
可占於今年天以錫我康功我亦勤茲田功後
志之應庶可質諸歲歲年年如昨如今以至萬
斯年無斁農夫之慶人子之慶也人子之慶朝

廷之慶也

仍教曰此綸音下諭于方伯居留之臣俾各
遵行仍令國子長示于諸生京兆尹頒之坊
曲待印書諸本獻御亦為宣賜京外

上之二十一年正月初一日

鄉禮合編目錄

總叙

卷之一

鄉飲酒禮

卷之二

鄉射禮

鄉約

卷之三

附

士冠禮

士昏禮

新刊
御覽
目錄

鄉禮合編總叙

周制鄉飲酒之禮有三地官鄉大夫三年大比與賢者能者帥其吏與其衆寡以禮禮賓之一也黨正以禮屬民飲酒于序以正齒位二也州長春秋以禮會民而射于州序先行鄉飲酒禮三也鄉大夫賓賢之禮三年而一舉儀禮鄉飲篇具有全文州長習射之禮一年而再舉儀禮鄉射篇可以參考黨正正齒位之禮歲終而一舉禮記所謂六十者坐五十者立侍六十者三豆七十者四豆八十者五

豆九十者六豆者槩見其序齒之義矣

漢建武六年李忠守丹陽為起學校春秋鄉飲以選用明經永平二年郡國縣道行鄉飲酒于學校祀先聖先師周公孔子而其儀節之詳史無可考然鄭玄云今郡國用黨正之文十月行此禮則其制蓋主正齒位之說矣

唐貞觀六年詔錄鄉飲禮一卷頒示天下每年令州縣長官率長幼依禮行之開元十八年宣州刺史裴耀卿上疏請下太常樂器令州郡轉次造習准式行禮蓋唐制兼用賓賢能

正齒位二禮賓賢能則每州縣試士畢刺史
或上佐會屬僚設賓主陳俎豆講管絃牲用
少牢歌鹿鳴之詩即所謂鹿鳴宴也其正齒
位則少損其儀節行於冬季縣令為主人

裴耀卿疏曰州牧縣宰所主者宣揚禮樂
典冊經籍所以教者返古還淳上奉君親
下安鄉族外州遠郡俗習未知徒聞禮樂
之名不知禮樂之實竊見以鄉飲酒禮頒
行于天下比來唯貢舉之日略用其儀閭
里之間未通其事臣在州之日率當州所

管一一與父老百姓勸遵行禮奏樂歌至
白華華黍南陔由庚等章言孝子養親及
羣物遂性之義或有泣者則人心有感不
可盡誣但以州縣久絕雅聲不識古樂伏
計太常具有樂器太常久備和聲請令天
下三五十大大州簡有性識人于太常調習
雅聲仍付笙等琴瑟之類各三兩事令比
州轉次造習每年各備禮儀准令式行稍
加勸獎以示風俗

宋太宗時鄉貢進士田錫上書請行鄉飲之禮

淳化三年詔有司講求鄉飲酒故事命學士
承旨蘇易簡等撰樂章禮院詳定其儀後不
果行政和中有司奏參酌古制於州軍貢士
之月以禮飲酒知州軍事或本州佐官為主
上舍生當貢者與州之羣老為衆賓略如辟
雍宴貢士之儀五年以河北轉運判官張孝
純之言詔諸路州郡每歲宴貢士于學先講
射禮射畢行酒如鄉飲禮紹興十三年北部
郎中林保乞修定鄉飲儀制徧下郡國國子
祭酒高閎草具其儀上之頒行郡國有肅賓

序賓祭酒主獻賓酬主人酬介介酬衆賓修爵無算沃洗揚觶拜送拜既及約束九事十七年國子監請令郡縣於科舉之年行於庠序二十六年詔行於里社者聽之景定五年詔郡邑行鄉飲酒禮

田錫請復鄉飲禮書曰臣聞聖人制鄉飲酒之禮行鄉校之間俾人徧知而易識也蓋其禮甚辨其儀甚詳有獻祭之儀有俎豆之數命鄉人之賢者為主延鄉人之老者為賓揖讓拜起皆有儀升降進退必有

位以金石之樂和其節以雅頌之詩導其情自秦承周衰漢邇秦亂不能行之漢世祖始一行之旋廢西晉行之又廢至唐乃明著禮文散頒郡國長吏以化黎民至開元中宣州刺史裴耀卿以為鄉飲之儀惟子貢士之日略得舉用其餘寢停乃拜奏上言歲行禮制於是宣州耆老每聞歌白華華黍之詩南陔由庚之頌觀者踴躍聽者感泣風移俗易以是知先王之禮不徒行也願陛下申明舊典頒鄉飲之禮使其

觀祭獻之嚴則知不忘報本矣觀蘋藻之
祀則知所貴者誠矣見賢者為主則知懋
德者可尊矣視老者為賓則知年高可恭
矣闔揖讓拜起之式則知謙恭撝節之可
學矣見升降進退之容則知折旋俯仰之
可習矣聞白華南陔之詩則知孝於父母
矣聽雅音正聲之奏則悅於和樂矣月而
習之歲而行之稔禮漬道革惡歸善為父
而慈為子而孝為兄而友為弟而恭為夫
而和為婦而柔一家率之一鄉化之一國

興之天下同之得非王者厲精於禮樂而致之有然哉則比屋可封之俗不獨堯舜之時也聖代當復見矣

明洪武初詔中書省詳定鄉飲酒禮條式使民歲時燕會習禮讀律五年定在內應天府及直隸府州每歲孟春孟冬有司與學官帥士大夫之老者行于學校在外行省所屬府州縣亦皆取法于京師其民間里社以百家為一會糧長或里長主之百人內以年最長者為正賓餘以齒序坐每季行之於里中十六

年頒行圖式其制倣用開元禮正齒位之儀而少損之司正揚觶後令一人升讀律有過之人俱赴正席立聽二十二年再定圖式分善惡三等位次使各序坐不得混淆以寓彰善癉惡之義

國朝 世宗朝命集賢儒臣詳定五禮儀至成宗五年書始成具載鄉飲酒鄉射儀注頒行中外

中宗二十一年教八道觀察使曰承宣之任敷民藝敦禮俗使一道皆知孝悌之行長幼之

序而近來任此責者類以簿書為急不究其
本源教化陵夷風俗頽靡可勝歎哉鄉飲酒
禮尊高年尚有德習敬讓之風絕暴亂之萌
卿其詳考禮文以時而行使知尊卑長幼以
化民成俗

顯宗十年大司成南九萬議行鄉飲酒于太學
因儀禮本文撰定儀注往復質正于祭酒宋
浚吉會有事未果行

英宗十四年教曰鄉飲之禮非特載於儀禮我
國五禮儀亦有之曾聞昔之居鄉知禮者以

此道勸民世降俗末罕有行者下諭諸道勸

課以上鄉飲酒禮

宋鄜延轉運司從事呂大勻倣古同井守望相助疾病相救出入相扶之義撰鄉約一卷行之藍田鄉中朱子取其文增損之鄉約之法昉于此

國朝 中宗十二年咸陽人金仁範上疏請行呂氏鄉約 上嘉之命諸臣講究移風易俗之方十三年知中樞府事金安國言臣按嶺南得呂氏鄉約撰註翻諺而刊行請推行於

諸道命撰集廳印頒十四年大司憲趙光祖
大司成金湜等言化民成俗莫善於鄉約呂
氏以匹夫不得推行天下而但施之一鄉觀
周禮立黨正族師以相勸導者實鄉約之法
今宜倣周制大立規模從之他日 上以鄉
約設施問于經筵官安處誠對曰近聞京城
之民聚而相戒言不善之事國有禁憲不可
犯 上曰鄉中自相率勵則刑罰從而省然
京城則不可設法行之

明宗元年教禮曹曰近來教導未至風俗澆薄

閭閻之人不聞不學妄行非義以觸罪辜良
用惻然以古昔彛倫之教參以國法作為教
目廣布中外使窮鄉僻巷之人無不周知如
有違者嚴加責罰以淑人心以正風俗十一
年前副提學李滉撰定鄉立約條其法分極
罰中罰下罰三等凡二十八目議行於禮安
鄉中而不果十五年禮曹布告郡邑令修鄉
約

李滉鄉立約條序曰古者鄉大夫之職導
之以德行道藝而糾之以不率之刑為士

者亦必修於家著於鄉而後得以賓興於國若是者何哉孝悌忠信人道之大本而家與鄉黨實其所行之地也先王之教以是為重故其立法如是至於後世法制雖廢而彝倫之則固自若也惡可不酌古今之宜而為之勸懲也哉吾鄉薺巖先生嘗欲立約條以勵風俗鄭重而未及焉滉與其諸胤相與商議舉其梗槩如此復以徧示鄉人審其可否然後乃定庶幾行於久遠而無弊云

李珥坡州鄉約序曰歲庚申春官以聖
旨布告郡邑令修鄉約是年冬邊公協來
守是邦好古樂善心與事會乃頒令于境
內且屬一鄉父老使之教導禮義咸歸于
正鄉有長者議于衆而復于公曰鄉約之
設匪今伊始作輟不恒有具無實良由里
各為約不統于州有懲罔懲因人廢法若
使鄉統其里里承于鄉且以中正兼掌鄉
議則約行不泥庶不中廢公以為然於是
採一鄉之論倣呂氏鄉約而立法焉

宣祖六年三司請令郡邑皆行鄉約從之七年
右副承旨李珥言其不便 上議大臣停之
是歲質正官趙憲還自燕上䟽請申明鄉約
報罷十年珥退居海州之石潭取呂氏鄉約
增損其文行于鄉中其法有齒德者為都約
正有學行者二人副之其直月司貨則約中
人輪回為之每間一月講約于文憲公崔冲
書院先是珥為清州牧使撰定鄉約條目二
十一則頒之面里置都契長四人每掌置契
長一人童蒙訓誨一人色掌一人每里置別

檢一人四孟月擇日講信記善惡于籍以勸
戒之未幾遞歸至是復修演其法行之海州
蓋珥之意以為鄉約之法可施於一鄉一邑
之間而自朝家著為令甲頒之國中則教養
自有先後非當日急務也

李珥西原鄉約題曰余叨守大邑不閑政
務惟是化民成俗之志惓惓不已與鄉中
父老商議導迪之方皆以為莫如申明鄉
約蓋此邑自李使君增榮始申鄉約後李
公遴因而損益之規模可觀余承二侯之

躅遂採前規參以呂氏鄉約煩者簡之疎者密之更為條約雖不敢自謂得中而勸懲之術庶幾無大滲漏矣

趙憲東還封事曰臣竊見中國山海關以西每村立鄉約所問之則曰每月朔望約正副正直月等會見于知府四拜于月臺上則知府降椅立受約正等進立于知府椅前同聽其教聽訖一揖而退各於其所會與其約中之人行禮而講其所聽之教所教者是孝順父母尊敬長上和睦鄰里

教訓子孫動作農桑不為非義等事而

高皇帝所定之教也其目詳備雖不及于
呂氏鄉約而其綱簡切易以牖民故民咸
信之村巷之間多有列書于墻而相與誦
習是以父子兄弟不忍分門婦姑娣姒不
相勃讎如遇正至及生日則雖一間小屋
之人必以四拜禮賀于家長雖賤男賤女
相遇於道亦必作揖婚姻之禮必以親迎
四歲童子亦能作揖叩頭廝夫走卒立必
拱手齊足遼薊之地雖彼千百年胡俗之

涖一沐大明之化所作新已如此而我國之地本以禮義之邦加以列聖漸摩之教重蒙主上維新之政歲歲命令所發惟化民成俗之是務而人心日漓誠可寒心臣聞高皇帝頒教條既使守令執鐸循路集父老告之又使里正遍曉之今聖明臨御國家閒暇已頒之書若令奉行使其勸講之方略依古制則風俗庶可以還淳矣

顯宗十一年都下諸生議行鄉約請修潤條制

于判中樞府事宋時烈時烈以輦轂之下不宜稱鄉約名其會曰相觀

宋時烈相觀會序曰古無鄉約之名而其義則已見於周官三物八刑之制至朱夫子增損呂氏四條之文凡化民成俗之方無不纖悉可行於萬世我朝屢以此頒下州縣而民莫肯聽從靜庵當路之日行之退溪修之於禮安栗谷行之於坡州蔚有成效惟諸君子用周官及朱子增損呂氏約及退溪栗谷所定之宜於今者而行之

輦轂之下鄉約為名似不著題取程子朋友相觀而善之語及溫公真率會之意稱之以相觀會

以上鄉約

當寧十九年乙卯

慈宮寶齡光躋于週甲

上以月正元日率百官上箋稱賀粵十七日

庚子加上尊號玉冊玉印閏二月辛卯陪

慈駕詣華城奉觴上壽于奉壽之堂廼推錫

類之仁特隆尊年之禮宴羣老于洛南軒拜

用一坐再至升歌鹿鳴天保之詩粵六月虹

流之辰上率內外賓戚之臣進饌進爵于

慈宮赦中外蠲徭賦臨軒教曰親年之重回
甲子人子之大慶也洗腆用羞庶人之孝也
施于有政與百姓同樂后王之孝也予小子
荷皇天祖宗之佑值國朝肇逢之會自歲
首至于今無日非舞蹈之日鏤金編玉以揚
慈徽觀華呼嵩以祈慈壽千箱萬庾穀遍
島陸以廣慈惠羣老四民人得醉飽以表
慈德而惟予齊天無疆之願恒懷惟日不足
之心矧當誕彌之辰何豐亨豫大之暇顧
歌老萊之章稱萬壽之觴爰自在班之臣工

拜箋之章甫下逮兵民徒隸使之飲此日之
酒知此日之樂文蔭武六十一歲人別設各
卓以寓虞庠養老之義而于予廣慶賁喜之
心猶有未懽焉苟求其施于有政行之普博
則其惟曰老老而興孝乎南陔白華即孝子
愛親之作而鄉人飲酒必用此樂為其勸孝
而廣愛也一自鄉飲之禮廢而民俗漸渝州
閭之間邈然觀感之風予不能為三代治何
責乎承佐之臣而天降彝衷不以古今異其
豈無反瀉回淳之道乎玄酒之淡而自有妙

理大樂之希而所禋正聲一日禮行四方風
動未必不在於茲其令京外長民之官修明
之既而教筵臣曰隆古之教有法而無書後
世之教有書而無法將欲援古而宜今莫若
書法之交濟昔我世宗盛際行養老宴于
勤政殿復命儒臣校刊小學之書編撰三綱
行實廣頒中外予小子憲章而修述者其在
斯乎於是命諸臣採輯小學諸家註解而彙
括之復以三綱行實二倫行實合編校正命
名曰五倫行實又教閣臣等曰予於機務之

暇取歷代鄉飲之儀裒集會通以備觀省卿
等可與掌禮之臣就是書參伍看詳發凡起
例而三加親迎之儀先王所以造端正始也
鄉邑之間書籍未備其以士冠士昏儀撮附
編左俾遐邑僻里皆有以講明之又其次鄉
約之美規自有朱子定論可按而行之然四
條之約異於三物之教此規但可行之於一
鄉且古今異宜亦恐蔑效而有弊此所以慶
辰綸音只舉鄉飲一條勅令京外講行者也
大臣奏言凡事孰不為弊於其流乎鄉飲鄉

約不可拔一命以鄉飲鄉約釐為一編之書
乃於二十一年丁巳元朝渙發綸音先之以
廣敬因本之義次之以頒行諸書之由令國
子長示諭諸生京兆尹布曉坊曲諸道方伯
之臣播告州里禮曹啓言鄉飲之禮具載儀
禮經文國朝五禮儀所載儀注參互古今典
章允為昭代成法則固無待乎別為撰定此
惟在中外有司之臣對揚之如何至若鄉約
之法昉於宋儒呂大勻而朱子取其文增損
之誠萬世通行之良法也 中廟十四年

宣廟六年所頒鄉約皆用此本今遵 祖宗
朝故事以朱子增損呂氏鄉約頒之四都八
道而厥或風俗異宜推行有碍則只於鄉飲
行禮之日略倣三代讀法之儀司正致詞之
後別定有文辭者讀約文一遍俾各肅聽亦
可為一舉兩得之道此則付諸道臣守宰使
之參酌於時務之宜彌綸乎可行之方毋亟
毋徐勿撓勿惰期無負朝家導禮迪教之本
意以此意知委於方伯居留之臣若夫京城
之不可設法行之 中廟朝聖訓昭揭寶鑑

先正臣宋時烈亦有輦轂之下鄉約不著題
之言誠使搢紳章甫相勗以禮相觀以善爰
及庶民是則是倣則雖無鄉約之名而自有
鄉約之實 上可其奏三月甲子閣臣等進
鄉禮合編三卷自鑄字所用活字開印頒之
八道四都三百三十州縣又命湖南嶺南關
西道臣以其本翻刻藏板俾壽其傳

太宗癸未置鑄字所以詩書左傳註疏為
字本鑄銅字十萬 世宗甲寅以孝順事
實為善陰騰等書為本鑄二十萬字印行

小學三綱行實 英宗壬辰我 聖上在
春邸命宮僚以甲寅字為本鑄十五萬字
藏于芸閣元年丁酉命關西伯復以甲寅
字為本鑄十五萬字藏于內閣甲寅追述
太宗朝故事移藏內外閣銅字于昌慶宮
之舊弘文館又鑄整理字三十萬以儲之
仍舊名之曰鑄字所蓋內閣即古之集
賢殿而鑄字所之設置亦前後一揆也丁
巳小學五倫行實鄉禮合編將次第頒行
上以 世宗朝所頒之書重印於鑄字所

事非偶爾尤有補於繼志述事之義 命
小學鄉禮合編用丁酉字五倫行實用整
理字并自鑄字所印頒

鄉禮合編卷之一

鄉飲酒禮

儀禮鄉飲酒之禮主人就先生而謀賓介

國主

諸侯之鄉大夫也先生鄉中致仕者賓介處士
賢者周禮大司徒之職以鄉三物教萬民而賓
興之鄉大夫以正月之吉受法于司徒退而頒
之于其鄉吏使各以教其所治以考其德行察
其道藝及三年大比而興賢者能者鄉老及鄉
大夫帥其吏與其衆寡以禮禮賓之厥明獻賢
能之書于王是禮乃三年正月而一行也諸侯
之鄉大夫貢士于其君蓋如此云古者年七十
而致仕老於鄉里大夫名曰父師士名曰少師
而教學焉恒知鄉人之賢者是以大夫就而謀
之賢者為賓其次為介又其次為衆賓而與之
飲酒是亦將獻之以禮禮賓之也今郡國十月
行此禮以黨正每歲以禮屬民而飲酒于序以
正齒位之說然此篇無正齒位之事焉凡鄉黨

飲酒必於民聚之時欲其見化知尚賢尊長也
孟子曰天下有達尊三爵也德也齒也國引周
禮是天子鄉大夫法諸侯鄉大夫無文以此約
之若據鄉貢一人其介與衆賓不貢之矣但立
介與衆賓輔賓行禮待後年
還以貢之耳○右謀賓介
主人戒賓賓拜辱

主人答拜乃請賓賓禮辭許主人再拜賓答拜

主人退賓拜辱國戒告也拜辱拜其屈辱至已

去也去又拜者以送謝之國知賓出所有志退猶

禮主人宿賓賓出門左鄉射戒賓亦出門故知

此亦出門也冠禮主人戒同寮尊又使之

加冠於子尊重之故主人先拜此則鄉大夫尊

賓卑又將貢已宜尊介亦如之國如戒賓也
敬主人故賓先拜辱
戒速使知但略而
不言○右戒賓介乃席賓主人介衆賓之席皆
不屬焉國席數席也風興往戒歸而數席賓席
牖間南面主人席阼階上西面介席西

階上東面席衆賓於賓席之西不屬者不相續也皆獨坐明其德各特也國鄉射云席賓南面東上衆賓之席繼而西此衆賓之席亦尊兩壺當然雖不屬猶統賓為位同南面也

于房戶間斯禁有玄酒在西設籩于禁南東肆

加二勺于兩壺注斯禁禁切地無足者玄酒在西上也肆陳也疏東肆以頭首

為記從西向東上頭在西也設洗于阼階東南南北以堂深

東西當東榮水在洗東籩在洗西南肆注榮屋翼疏堂

深謂從堂廡北至房室之壁堂下洗北去堂遠近深淺取於堂上深淺若堂深二丈洗亦去堂

二丈以此為度注右設席及器義定主人速賓賓拜辱主人答

拜還賓拜辱介亦如之賓及衆賓皆從之注謂之

羹定猶熟也速召也還猶退從猶隨也主人一言及衆賓介亦在其中矣注○右速賓介主人一

相迎于門外再拜賓賓答拜拜介介答拜國人相

之吏擯贊揖衆賓國人差益早也拜介揖衆賓皆

門外以北為上主人與賓正東西相當則介與

衆賓差在南東面主人正西面拜賓則側身向

西南拜介主人揖先入國人揖庫學惟有一門而

主人導賓先入至賓厭介入門左介厭衆賓入

衆賓皆入門左北上國人皆入門西東面賓之屬

揖引手曰厭今文皆作揖國人賓既北上主人西

面相向揖訖乃相背各向堂塗介與衆賓亦隨

賓至西階下也厭主人與賓三揖至于階三讓

主人升賓升主人阼階上當楣北面再拜賓西

階上當楣北面答拜國人當碑揖楣前梁也復拜拜

賓至此堂尊之疏捐前梁對主人坐取爵于篚

降洗注賓也注將獻賓降注從主人主人坐奠爵于階前

辭注重以已事煩賓也注賓對注對答也注賓主人

坐取爵與適洗南面坐奠爵于篚下盥洗注已

洗爵者致注潔敬也注賓進東北面辭洗注必進東主人坐

奠爵于篚與對賓復位當西序東面注言復位

時位主人坐取爵沃洗者西北面注沃洗者主

卒洗主人壹揖壹讓升注俱賓拜洗主人坐奠

爵遂拜降盥注復盥為手注賓降主人辭賓對復位

當西序卒盥揖讓升賓西階上疑立注疑正立

國言揖讓升不言一揖一讓從上可知主人坐取爵實之賓之席

前西北面獻賓國獻進也賓西階上拜主人少

退國少退賓進受爵以復位主人阼階上拜送

爵賓少退國復位復西階上位國以賓西階上

故賓進將于席前受之也案鄉射云賓進受爵於席前復位此不言席前文不具也薦脯

醢國薦進也進之賓升席自西方國升由下也

乃設折俎國牲體枝解主人阼階東疑立賓坐

左執爵祭脯醢國坐坐于席祭奠爵于薦西興

右手取肺卻左手執本坐弗繚右絕末以祭尚

左手齊之興加于俎國興起也肺離之本端厚大者繚猶紆也大夫以上

威儀多紛絕之尚左手者明垂紛之乃絕其末齊嘗也國弗繚即弗紛一也此鄉飲酒大夫禮

故云繚祭鄉射士禮云絕祭但云繚必兼絕言絕不得兼繚也周禮大祝辨九祭七日絕祭八

日繚祭注云繚祭以手從肺本循之至于末乃絕以祭絕祭不循其本直絕以祭本同禮多者

繚之禮略者坐挽手遂祭酒國挽拭也國內則絕則祭之

賓客自有挽興席末坐啐酒降席坐奠爵拜告巾以拭手也

旨執爵興主人阼階上答拜國啐亦嘗也降席席西也旨羹也

賓西階上北面坐卒爵興坐奠爵遂拜執爵興

主人阼階上答拜國卒盡也於此盡酒者明此非專為飲食起○右主人

賓降洗國將酌主人降國亦從賓也降降賓

坐奠爵興辭國西階前也主人對賓坐取爵適洗南

北面主人阼階東南面辭洗賓坐奠爵于篚與
對主人復阼階東西面賓東北面盥坐取爵率
洗揖讓如初升主人拜洗賓答拜興降盥如主
人禮賓實爵主人之席前東南面酢主人主人
阼階上拜賓少退主人進受爵復位賓西階上
拜送爵薦脯醢主人升席自北方設折俎祭如
賓禮因酢報也祭者祭薦俎及酒亦齊啐此
洗先後不同者彼與鄉人習禮輕故盥訖乃辭
洗此鄉人將賓舉之故未盥先辭洗重之也鄉
射賓坐取爵洗之時未得主人之命故奠于篚
下得主人之命乃奠于篚此則賓取爵適洗未
奠之時主人即不告旨因酒已自席前適阼階
辭故奠于篚也

上北面坐卒爵興坐奠爵遂拜執爵興賓西階

上答拜

因自席前者啐酒席末因從北方降由便也

主人坐奠爵于

序端阼階上北面再拜崇酒賓西階上答拜

因東

西牆謂之序崇充也言酒惡相充實

酺奠于序端者擬酬賓訖取此爵以獻介○右賓酢主人

主人坐取觶于篚降洗賓降主人辭降賓不辭

洗立當西序東面

以其不辭洗者以其將自飲

卒洗揖讓升賓

西階上疑立主人實觶酬賓阼階上北面坐奠

觶遂拜執觶興賓西階上答拜坐祭遂飲卒觶

興坐奠觶遂拜執觶興賓西階上答拜主人降

洗賓降辭如獻禮升不拜洗

因不拜洗殺于獻

賓西階

上立主人實饌賓之席前北面賓西階上拜主

人少退率拜進坐奠饌于薦西人奠其饌賓

辭坐取饌復位主人阼階上拜送賓北面坐奠

饌于薦東復位不竭人之忠以全交也○右主

人酬主人揖降賓降立于階西當序東面將

與介為禮賓譌主人以介揖讓升拜如賓禮主

人坐取爵于東序端降洗介降主人辭降介辭

洗如賓禮升不拜洗三揖至于階之時介與衆

賓亦隨至西階下此云揖讓升如賓禮介西階

上立者省文主人實爵介之席前西南面獻

介介西階上北面拜主人少退介進北面受爵

復位主人介右北面拜送爵介少退主人拜于介右降

尊以就卑也主人立于西階東薦脯醢介升席自北

方設折俎祭如賓禮不齊肺不啐酒不告旨自

南方降席北面坐卒爵與坐奠爵遂拜執爵與

主人介右答拜不齊啐下賓獻介介降洗主人復

阼階降辭如初如賓酌之時卒洗主人盥盥者當為介酌

此主人自飲而盥者尊介也介揖讓升授主人爵于兩楹之

間就尊南授之介不自酌下賓酒者賓主共之介西階上立主人實

爵酢于西階上介右坐奠爵遂拜執爵與介答

拜主人坐祭遂飲卒爵興坐奠爵遂拜執爵興

介答拜主人坐奠爵于西楹南介右再拜崇酒

介答拜以將獻爵西楹南主人復阼階揖降介降

立于賓南就賓南○右介酢主人主人西南

面三拜衆賓衆賓皆答壹拜不備禮也不升拜

賤也主人賤也主人在阼階下衆賓在賓介之南故西南面拜之主人揖升坐取爵

于西楹下降洗升實爵于西階上獻衆賓衆賓

之長升拜受者三人長其老者言三主人拜

送上介文介右兩知約坐祭立飲不拜既爵授主

人爵降復位立飲立授賤者禮簡衆賓獻則不

拜受爵坐祭立飲也次三人以下每一人獻則

薦諸其席人也謂三衆賓辯有脯醢於其位位在

下疏以其言堂下立侍不合主人以爵降奠于

篚右主人不復用也○揖讓升賓厭介升介厭衆賓

升衆賓序升即席三賓序次也即就也衆賓謂

首一人洗升舉觶于賓一人主人之實觶西

階上坐奠觶遂拜執觶興賓席末答拜坐祭遂

飲卒觶興坐奠觶遂拜執觶興賓答拜降洗升

實觶立于西階上賓拜將受觶進坐奠觶于

薦西賓辭坐受以興坐受者明行事相接若親

受諭也 舉解者西階上拜送賓坐奠解于其所

薦西也 舉解者降國事已案鄉射舉解者降後

人或來或否故不言也○設席于堂廉東上為

右一人舉解為旅酬之始 東樂正先升北面此言樂正先升立于西階上少

工布席也側邊曰廉燕禮曰席工于西階上少 則工席東工四人二瑟瑟先相者二人皆左何瑟

在階東 後首擗越內弦右手相二人四人大夫制也二瑟

瑟先者將入序在前也相扶工也衆賓之少者 為之每工一人鄉射禮曰弟子相工如初入天

子相工使眡瞭者凡工瞽矇也故有扶之者師 冕見及階子曰階也及席子曰席也固相師之

道後首者變于君也擗持也相瑟者則為之持 瑟其相歌者徒相也越瑟下孔也內弦側擔之

者疏此鄉大夫飲酒云四人為大射諸侯禮六人 若然士當二人天子八人為差次也工四人二

人瑟則二人歌相亦二人樂正先升立于西階

東注正長也疏此樂正諸侯及大夫士之官當天子大司樂工入升自西階

北面坐相者東面坐遂授瑟乃降注降立於西

工歌鹿鳴四牡皇皇者華注三者皆小雅篇也

方之賓燕講道修政之樂歌也此采其已有旨

有孔昭之明德可則傲也四牡君勞使臣之來

樂歌也此采其勤苦王事念將父母懷歸傷悲

忠孝之至以勞賓也皇皇者華君遣使臣之樂

歌也此采其更是勞苦自以為不及欲諮謀于

賢知而自注先明也卒歌主人獻工工左瑟一人拜不興

受爵主人阼階上拜送爵注一人工之長也凡

又燕禮主歡心尚樂故有升歌笙間合樂間合

不獻以前已得獻故不復重獻鄉射主于射略

于樂無笙間唯有合樂笙工並為至後總獻之

大射亦主于射略于樂不間歌不合樂故有升

歌獻工下管不復得獻薦脯醢使人相祭其祭酒祭薦

工飲不拜既爵授主人爵授之坐衆工則不拜受

爵祭飲辯有脯醢不祭重無不祭也大師則為

之洗賓介降主人辭降工不辭洗賜之樂謂之

大師則為之洗尊之也賓介降從主人也工大

師也上既言獻工矣乃言大師者大師或瑟或

歌也其獻之瑟則先歌則後笙入堂下磬南北面立樂南陔

白華華黍也南陔白華華黍小雅篇也今亡其

義未聞昔周之興也周公制禮作樂采時世之

詩以為樂歌所以通情相風切也其有此篇明

矣後世衰微幽厲尤甚禮樂之書稍稍廢棄孔

子曰吾自衛反魯然後樂正雅頌各得其所謂

當時在者而復重難亂者也惡能存其亡者乎
且正考父校商之名頌十二篇于周大師歸以
祀其先王至孔子二百年
之間五篇而已此其信也
主人獻之于西階上

一人拜盡階不升堂受爵主人拜送爵階前坐

祭立飲不拜既爵升授主人爵國一人笙之長者也笙三人和

一人凡四人鄉射禮
日笙一人拜于下
衆笙則不拜受爵坐祭立

飲辯有脯醢不祭國亦受爵於西階上乃間歌薦之皆於其位磬南

魚麗笙由庚歌南有嘉魚笙崇丘歌南山有臺

笙由儀國間代也謂一歌則一吹六者皆小雅篇也魚麗言太平年豐物多也此采其

物多酒旨所以優賓也南有嘉魚言太平君子
有酒樂與賢者共之也此采其能以禮下賢者
賢者累蔓而歸之與之燕樂也南山有臺言太
平之治以賢者為本此采其愛友賢者為邦家

之基民之父母既欲其身之壽考又欲其名
德之長也由庚崇丘由儀今亡其義未聞乃

合樂周南關雎葛覃卷耳召南鵲巢采芣采蘋

也王后國君夫人與衆聲俱作周南召南國風篇

之德葛覃言后妃之職卷耳言后妃之志鵲巢

言國君夫人之德采芣言國君夫人不失職采

蘋言卿大夫之妻能循其法度昔太王季王

于岐山之陽躬行召南之教以興王業及文王

而行周南之教以受命大雅云刑于寡妻至于

兄弟以御于家邦謂此也其始一國耳文王作

邑于豐以故地為卿士之采地乃分為二國周

周公所食召召公所食于時文王三分天下有

其二德化彼于南土是以其詩有仁賢之風者

屬之召南焉有聖人之風者屬之周南焉夫婦

之道生民之本王政之端此六篇者其教之原

也故國君與其臣下及四方之賓燕用之合樂

也鄉樂者風也小雅為諸侯之樂大雅須為天

子之樂鄉飲酒升歌小雅禮盛者可以進取也

燕合鄉樂禮輕者可以逮下也春秋傳曰肆夏
繁遏渠天子所以享元侯也文王大明緜兩君
相見之樂也然則諸侯相與燕升歌大雅合小
雅天子與次國小國之君燕亦如之與大國之
君燕升歌頌合大雅其笙間之篇未聞疏合
樂謂堂上有歌瑟堂下有笙磬合奏此詩合工

告于樂正曰正歌備樂正告于賓乃降注樂正

正歌備無事也降立西階東北面疏以其堂上
時在西階之東北面知降堂下亦然在笙磬之

西亦得監堂下之樂知主人降席自南方注不
位在此也○右樂賓

便方由側降注賓介不從疏側者特也賓
介不從以將燕禮殺故也

司正司正禮辭許諾主人拜司正答拜注禮樂
也禮樂

之正既成將留賓為有解情立司正以監之拜
拜其許疏上云一相迎于門外今將燕使為司

正主人升復席司正洗解升自西階阼階上北

面受命于主人主人曰請安于賓司正告于賓

賓禮辭許

注為賓欲去留之告賓于西階

司正告于主人主人

阼階上再拜賓西階上答拜司正立于楹間以

相拜皆揖復席

注再拜拜賓許也司正既以賓許告主人遂立楹間以相拜賓

主人既拜揖就席

司正實解降自西階階間北面坐奠

解退共少立

注皆間北面東西節也其南北當中庭共拱手也少立自正慎其位

也已帥而正孰敢不正燕禮曰右還北面

射云司正實解降自西階中庭北面坐奠解此

庭宜與彼同遂拜執解興洗北面坐奠解于其所退立于解

南

注洗解奠之示潔敬立于其南以察衆

解興洗北面鄉射大射禮皆不云盥俗本有

鹽者誤。右立司正。賓北面坐取俎西之觶，阼階上北面。

酬主人。主人降席立于賓東。注：初起旅酬也。凡旅酬者，少長以齒。

終于沃盥者，皆弟長而無遺矣。疏：前一舉觶奠于薦右，今為旅酬而舉之前，主人酬賓奠于

薦東者，不舉故言俎西以別之。賓坐奠觶，遂拜執觶興，主人答

拜，不祭立飲，不拜卒。觶不洗，實觶東南面授主

人。注：賓立飲卒，觶因更酌以鄉主人將授。主人阼階上拜，賓少退。

主人受觶，賓拜送于主人之西。注：旅酬同階，禮殺。賓揖

復席。注：酬主人訖。主人西階上酬介，介降席

自南方立于主人之西，如賓酬主人之禮。主人

揖復席。注：其酌實觶西南面授介自此以下，司旅酬酌者亦如之。○右主人酬介。

正升相旅曰某子受酬受酬者降席

國旅序也于是介酬

衆賓衆賓又以次序相酬某者衆賓姓也

同姓則以伯仲別之又同則以其字別之

退立于序端東面

國辟受酬者又便其贊上贊下也始升相西階西北面

受酬者自介右

國凡由介東也尊介使不失故位其左此受介酬者應自介左而自介右

者介位在西故尊介使不失故位也

衆受酬

者受自左

國後將受酬者皆由西變于介也

自第二以下并堂下衆賓皆自左受之言變于介者即授受之常法也

拜興飲皆

如賓酬主人之禮

國嫌賓以

辯卒受者以解降

坐奠于篚

國辯辯衆賓之在下者鄉射禮曰辯遂酬在下者皆升受酬于西階上

司正降復位

國解南之位○右介酬衆賓衆使賓自相酬以辯旅酬之禮畢

二人舉觶于賓介洗升實觶于西階上皆坐奠

觶遂拜執觶與賓介席末答拜皆坐祭遂飲卒

觶與坐奠觶遂拜執觶與賓介席末答拜人亦

主人之吏若有大夫則舉觶于賓與大夫燕禮

曰賤爵者立于洗南西面北上序進盥洗

末答拜者賓于席西南面答拜介于席南東面

答拜若有大夫則舉觶于賓與大夫者大夫尊

于介逆降洗升實觶皆立于西階上賓介皆拜

故也皆進薦西奠之賓辭坐取觶以興介則

薦南奠之介坐受以興退皆拜送降賓介奠于

其所人之賓取介言受尊卑異文皆進者一

南右二人舉觶司正升自西階受命于主人

為無算爵之始

主人曰請坐于賓賓辭以俎酒至此盛禮俱成

拜強有力猶倦焉張而不弛弛而不張非文武之道請坐者將以賓燕也俎者肴之貴者辭之

者不敢以禮殺當貴者疏自此以上皆立行禮人皆勞倦故請坐于賓

主人請徹俎

俎賓許傳亦司正司正降階前命弟子俟徹俎

之西階前也弟子俟徹俎者明徹俎賓之義疏西階前命

之使弟子俟徹俎者明徹俎賓之義疏西階前命

賓弟子司正升立于序端特賓降席北面主

人降席阼階上北面介降席西階上北面尊者

降席席東南面鄉之皆立相須徹俎也尊者謂此

主人樂賓主人所榮而遵法者也因以為名或

有無來不來用時事耳今文遵為俎疏遵不北

面者以其尊故席東南面向主人士立

于下不得升堂故知此遵是大夫也 賓取俎

還授司正司正以降賓從之主人取俎還授弟

子弟子以降自西階主人降自阼階介取俎還

授弟子弟子以降介從之若有諸公大夫則使

人受俎如賓禮衆賓皆降既取俎者皆鄉其席

入之位。說屢揖讓如初升坐乃羞為安燕當

右徹俎坐也必說于下者獲賤不空居堂說獲主人先

左賓先右羞進也所進者狗豕醢也鄉設骨體

所以致敬也今進羞所以盡愛也無算爵國算

敬之愛之所以厚賢也○右升坐無算爵數也

賓主燕飲爵行無數醉而止也鄉射禮曰使二

人舉解于賓與大夫又曰執解者洗升實解反

奠于賓與無算樂國燕樂亦無數或間或合盡

大夫皆是無算樂歡而止也春秋襄二十九年

吳公子札來聘請觀于周樂此國君之無算○右無算爵賓出奏陔陔陔

之為言戒也終日燕飲酒罷以陔為節明無失
禮也周禮鐘師以鐘鼓奏九夏是奏陔夏則有
鐘鼓矣鐘鼓者天子諸侯備用之大夫士鼓而
已蓋建于阼階之西南鼓鄉射禮曰賓興樂正
命奏陔賓降及階陔主人送于門外再拜東西門
作賓出衆賓皆出面拜也賓介不答拜
禮有終也○右賓出賓若有尊者諸公大夫則
既一人舉觶乃入公大夫也謂之賓者同從外
來耳謂之公孤席于賓東公三重大夫再重四命謂之公孤
此二者於賓東尊之不與鄉人齒也三重者六
席再重者四席天子之國三命者不齒於諸侯
之國爵為大矣公如大夫入主人降賓介降衆賓
夫則不齒矣公如大夫入主人降賓介降衆賓
皆降復初位主人迎揖讓升公升如賓禮辭一
席使一人去之國如讀若今之若主人迎之於門內也辭一席自同于大夫

大夫則如介禮有諸公則辭加席委于席端主

人不徹無諸公則大夫辭加席主人對不去加

席注加席上席也大夫席重疏賓厭介此

日賓鄉服以拜賜注拜賜謝恩惠鄉服昨日與

朝服未服主人如賓服以拜辱注拜辱復自屈

不相見造門外拜謝主人釋服乃息注朝服釋

更服玄端也息勞也勞賜昨日贊無介注勞禮

執事者獨云司正司正庭長也注略也司

正為不殺注市買若因所有薦脯醢注羞羞唯

所注何物有徵唯所欲注徵也注以告于先生君子

可也注告請也先生不以筋力為禮於是可

來注君子國中有盛德者可者召不召唯所

欲

賓介不與因禮饋

鄉樂唯欲

因鄉樂周南召

所發作不從次也不歌鹿鳴為諸侯之樂上正

行飲酒歌小雅今燕不歌鹿鳴

記鄉朝服而謀賓介皆使能不宿戒

謂鄉人

也朝服冠玄端緇帶素鞞白履今郡國行鄉飲

酒之禮玄冠而衣皮弁服與古異再戒為宿戒

宿戒○右記賓介

蒲筵緇布純因緣也

尊

綌冪賓至徹之因右記筵及尊冪

其牲狗也

擇人亨于堂東北

主養易曰天地養萬物聖

人養賢以及萬

爵解薦脯五挺橫祭于其上出自左房

職也

射禮曰祭半臠臠長尺有二寸左在東陽也陽
主養房饌陳處也冠禮之饌脯醢南上曲禮曰
以脯修置者左胸右末○橫祭于上
者於脯為橫於人為縮○右記脯
俎由東壁

自西階升之俎亨狗既孰載賓俎脊脅肩肺主人

俎脊脅臂肺介俎脊脅胛肺肺皆離皆右體進

腍也凡牲前脰骨三肩臂腍也後脰骨二膊胛
也專者俎尊骨卑者俎卑骨祭統曰凡為俎

者以骨為上骨有貴賤凡前貴後賤離猶搯也
腍理也進理謂前其本也○此序體賓用肩主

人用臂介用胛其間有腍肫在而介不用者蓋
以大夫俎故此闕焉大夫雖尊不奪賓主正禮

故用體卑于主人與賓而尊于介也○朱子曰
介俎脊脅胛肺印本脰上有肫字然釋文無音

疏又云有肫肫而介不用明無此
字也成都石經亦誤○右記俎
以爵拜者不

徒作也作起也言拜既爵者
不徒起起必酢主人
坐卒爵者拜既爵

立卒爵者不拜既爵唯工不從此禮凡奠者

于左不飲其妨將舉于右也便衆賓之長一人

辭洗如賓禮雖為之洗不取辭其下不洗

立者東面北上若有北面者則東上

樂正與立者皆

薦以齒言飲而薦之次也尊樂正同于賓黨不

凡舉爵三作而不徒爵謂

樂作大夫不入後樂賢

獻工與笙取

爵于上篚既獻奠于下篚是則明其異器敬也如是則獻大夫亦然上

笙三爵疏獻賓介堂上堂下衆賓其笙則獻諸

西階上者以其坐于西階東也○右記工與

磬階間縮雷北面鼓之為從鼓猶擊也○大西

也射則磬在東○右記懸磬之所主人介凡升

席自北方降自南方從便○右記升席降席之

法司正既舉觶而薦諸其位也無獻因其舉解

而薦之○右凡旅不洗殺也不洗者不祭不

甚潔也○右既旅士不入將燕矣○右記士入

節徹俎賓介尊者之俎受者以降遂出授從者

主人之俎以東藏于東方○樂正命奏

陔賓出至于階陔作

右記奏陔之節

若有諸公則大夫

于主人之北西面

其西面者北上統于公

統于遵也。右記遵者席位

主人之贊者西面北上不與

贊

佐也謂主人之屬佐助主人體事徹冪沃盥設薦俎者西面北上統于堂也與及也不及謂不

獻無算爵然後與

記燕乃及之。右記主人之贊者

禮記鄉飲酒義鄉飲酒之義主人拜迎賓于庠

門之外入三揖而后至階三讓而后升所以致

尊讓也

送庠鄉學也州黨曰序

盥洗揚觶所以致絜也

揚

也拜至拜洗拜受拜送拜既所以致敬也

至謂拜

始升時拜

尊讓絜敬也者君子之所以相接也

拜賓至

君子尊讓則不爭絜敬則不慢不慢不爭則遠

於鬪辨矣不鬪辨則無暴亂之禍矣斯君子所

以免於人禍也故聖人制之以道國道指此禮

故迎賓于庠門外若州長黨正則于序門外也

盥洗揚解者謂主人將獻賓以水盥手而洗爵

揚解謂既獻之後舉解酬賓之時亦盥洗也必

盥洗者所以致其絜敬之意也拜至者謂賓與

主人升堂之後主人于阼階之上北面再拜是

拜至也拜洗者謂主人拜至訖洗爵而升賓于

西階上北面再拜主人洗也拜受者賓于西

階上拜受爵也拜送者主人于阼階上拜送爵

也拜既者既盡也賓

飲酒既盡而拜也

間賓主共之也尊有玄酒貴其質也國鄉人鄉

州長黨正也君子謂鄉大夫士也鄉大夫士飲

國中賢者亦用此禮也共尊者人臣卑不敢專

大羞出自東房主人共之也以國羞燕私可洗當

東榮主人之所以自絜而以事賓也絜猶清

大夫等惟有東房故設酒尊于東房之西室戶之東在賓主之間示賓主之共有此酒也酒雖

主入之設賓亦以酢主人北面設尊玄酒在左謂在酒尊之西也所以設玄酒在西者地道尊

右貴其質賓主象天地也介僎象陰陽也三賓

象三光也讓之三也象月之三日而成魄也四

面之坐象四時也國陰陽助天地養成萬物之氣也三賓象天三光者繫于

天也古文禮天地嚴凝之氣始於西南而盛於

西北此天地之尊嚴氣也此天地之義氣也天

地溫厚之氣始於東北而盛於東南此天地之

盛德氣也此天地之仁氣也主人者尊賓故坐

賓於西北而坐介於西南以輔賓賓者接人以

義者也故坐於西北國賓者接人以義言主人

者接人以仁以德厚者也故坐於東南而坐僎

於東北以輔主人也國以其仕在官也仁義接賓

主有事俎豆有數曰聖聖立而將之以敬曰禮

禮以體長幼曰德國聖通也所以通賓德也者

得於身也故曰古之學術道者將以得身也是

故聖人務焉國術猶藝也得身者謂成己令名

賢能之禮疏此一節明賓主介僎坐位之義也

三賓象三光者謂衆賓也主人東南象夏始賓

西北象冬始僎東北象春始介西南象秋始其
四時不離天地陰陽之內而坐即是賓主介僎
之所象也聖通也謂上諸事並是通賓主之意
也聖立而將之以教曰禮者謂通賓主之事其
道已立能將行之以恭敬乃謂之禮也禮以體
長勿曰德德者得也既能有禮以體成長勿于
事得宜故曰德者得也身謂身之所得於禮也
之義得善行于其身謂身之所得於禮也
術者藝也言古之人學此才藝之道也將以得
身也謂使身得成也此謂賓賢之人有術道今
以賓敬接待之事其尊敬學祭薦祭酒敬禮也
習術道身得成就而有令名祭薦祭酒敬禮也
齊肺嘗禮也啐酒成禮也於席末言是席之正
非專為飲食也為行禮也此所以貴禮而賤財
也卒觶致實於西階上言是席之上非專為飲
食也此先禮而後財之義也先禮而後財則民

作敬讓而不爭矣

以禮非專為飲食言主於相敬

觴實祭薦祭酒齊肺於席中唯啐酒於席末也

此一節明飲酒之禮祭薦祭酒相尊敬之心

貴禮賤財之義祭薦者主人獻賓賓即席祭所

薦時脯醢也敬禮也者言賓既祭薦又祭酒是

賓敬重主人之禮也飲主人酒而入口成主人之

禮也席末謂席西頭也此席專為飲食應於席

中啐酒今乃席末啐酒此席之設本不為飲食

是主入敬重於賓故設席耳祭薦祭酒齊肺在

席中者敬主人之物故在席中啐酒入于已故

在席末也於席上祭薦祭酒是貴禮席末啐酒

是賤財也卒解主人酬賓賓卒立以據解也致

實謂致盡其所實之酒於西階上此席之上非

專為飲食也故不於席所而卒解卒纔始入口

猶在席末也卒解則鄉飲酒之禮六十者坐五

盡爵故遠在西階上

十者立侍以聽政役所以明尊長也六十者三

豆七十者四豆八十者五豆九十者六豆所以
明養老也民知尊長養老而后乃能入孝弟民
入孝弟出尊長養老而后成教成教而后國可
安也君子之所謂孝者非家至而日見之也合
諸鄉射教之鄉飲酒之禮而孝弟之行立矣

此

說鄉飲酒謂黨正國索鬼神而祭他則以禮屬
民而飲酒于序以正齒位之禮也其鄉射則州
長春秋以禮會民而射于州序之禮也謂之鄉
者州黨鄉之屬也或則鄉之序所居州黨鄉大夫
親為主入焉如今郡國下令長於鄉射飲酒從
太守相臨之禮也
國此明黨正飲酒正齒位之
事六十者坐五十者立侍者案鄉飲酒禮賓賢
能則用處士為賓其次為介其次為衆賓皆以
年少者為之此正齒位之禮其實介等皆用年
老者為之其餘為衆賓賓內年六十以上於堂

上於賓席之西南面坐若不盡則於介席之北
東面北上其五十者則立於西階下東面北上
示有陪侍之義非即在六十者旁同南面立也
以聽政役者所以立於階下示其聽受六十以
上政事役使也六十者三豆至九十者六豆每
十年加一豆非正禮故不得為籩豆偶也其五
十者亦有豆也但二豆而已民入孝弟謂入門
兩能行孝弟出尊長養老者謂出門兩能尊長
養老也
孔子曰吾觀於鄉而知王道之易易也國
鄉飲酒也易易謂教化之本尊賢尚齒而已主人親速賓及介而衆
賓自從之至于門外主人拜賓及介而衆賓自
入貴賤之義別矣國速謂即家名之別猶明也三揖至于階
三讓以賓升拜至獻酬辭讓之節繁及介省矣
至于衆賓升受坐祭立飲不酢而降隆殺之義

辨矣因繁猶盛也小咸曰省辨猶別也工入升

歌三終主人獻之笙入三終主人獻之間歌三

終合樂三終工告樂備遂出一人揚解乃立司

正焉知其能和樂而不流也正既告備而降言

遂出者自此至去不復升也流猶失禮也立司

正以正禮則禮不失可知國工入升歌三終者

謂升堂歌鹿鳴四牡皇皇者華每一篇而一終

也主人獻之謂獻瑟與歌者也笙入三終者謂

吹笙之人入於堂下奏南陵白華華黍每一篇

一終也主人獻之者謂獻笙人也間歌三終者

間代也謂笙歌已竟而堂上與堂下更代而作

也堂上人先歌魚麗則堂下笙由庚此為一終

又堂上歌南有嘉魚則堂下笙崇丘此為二終

又堂上歌南山有臺則堂下笙由儀此為三終

也合樂三終者謂堂上下歌瑟及笙並作也若

工歌關雎則笙吹鵲巢合之若工歌葛覃則笙

吹采繫合之若工歌卷耳則笙吹采繫合之工
升歌後立司正以正之故知鄉飲酒能和樂不
流邪失
禮也
賓酬主人主人酬介介酬衆賓少長以

齒終於沃洗者焉知其能弟長而無遺矣國遺

也忘也國言旅酬之時賓主人之黨各以少長
為齒以次相旅至其執掌疊洗之人以水沃盥
洗爵者皆預酬酒之限此經據旅酬之時其少
長以齒終於沃洗是無算爵之節也弟少也言
少之與長皆被恩
澤而無遺棄也降說屢升坐修爵無數飲酒

之節朝不廢朝莫不廢夕賓出主人拜送節文

終遂焉知其能安燕而不亂也國朝夕朝莫聽
事也不廢之者

既朝乃飲先夕則罷其正也終遂猶充備也國
降說屢升坐者此謂無算爵之初也以前皆立
而行禮未徹俎故未說屨至此徹俎之後乃說
屨升堂坐也修爵無數者謂無算爵也熊氏云

謂行爵貴賤明隆殺辨和樂而不流弟長而無

遺安燕而不亂此五行者足以正身安國矣彼

國安而天下安故曰吾觀於鄉而知王道之易

易也鄉飲酒之義立賓以象天立主以象地設

介僎以象日月立三賓以象三光古之制禮也

經之以天地紀之以日月參之以三光政教之

本也國曰出於東僎所在也月生於西介所在也三光三辰也天之政教出於大辰焉

國前經陰陽據其氣日月言其體僎在東北象日出也介在西南象月出也昭十七年有星孛

于大辰公羊云大辰者何大火也伐為大辰北

辰亦為大辰故爾雅云大辰房心尾也大辰謂

之大辰北極謂之北辰是三大辰也何休云大

火與伐天所以示民時早晚天下取以為正故

謂之大辰辰時也是天亨狗於東方祖陽氣之

發於東方也國祖猶法也狗所以養萬物洗之在阼其

水在洗東祖天地之左海也國海水之委也尊有玄酒

教民不忘本也國太古無酒賓必南鄉東方者

春春之為言蠢也產萬物者聖也南方者夏夏

之為言假也養之長之假之仁也西方者秋秋

之為言愁也愁之以時察守義者也北方者冬

冬之為言中也中者藏也是以天子之立也左

聖鄉仁右義偕藏也國春猶蠢也蠢動生之貌

讀為擊擊斂也察猶察察嚴殺之介必東鄉介

賓主也

國獻酬之禮主人將西賓將南介醜其間也

主人必居東方

東方者春春之為言蠢也產萬物者也主人者

造之產萬物者也

國言禮之所共由主人出也

月者三日則

成魄三月則成時是以禮有三讓建國必立三

卿三賓者政教之本禮之大參也

國言禮者陰也大數取象

法於月也

國三日則成魄者謂月盡之後三日乃成魄凡建國立三卿助君治國今鄉飲酒立

三賓亦象國之立三卿故云政教之本也

唐開元禮鄉飲酒之禮刺史為主

此為貢人之中有明

經進士出身兼德行孝悌灼然明著道表門閭及有秀才皆刺史為主

人若無上佐攝行事
先召鄉之致仕有德者謀之賢者為賓其次為

介又其次為衆賓與之行禮而賓舉之

介以下無其人

則闕正齒位每年季冬縣令為主一人鄉之老人六十以上有德行者一人為賓次一人為介又其次為三賓又其次為衆賓

主人戒賓立於賓大門外之西

東面賓立東階下西面將命者立於賓之左北面受命出立門外之東西面曰敢請事主人曰某日行鄉飲酒之禮請某子臨之將命者入告賓出立於門東西面北向再拜毋辱主人答拜主人曰吾子學優行高應茲觀國某日展禮請吾子臨之賓曰某固陋恐辱命敢辭主人曰謀於父師少師莫若吾子賢敢固以請賓曰夫子

申命之某敢不敬須主人再拜賓拜主人退賓

拜送主人戒介亦如之

戒辭曰某日行鄉飲酒之禮請吾子臨之正齒

位無戒賓

其日質明設賓席於楹間近北南向設主

人席於阼階上西向設介席於西階上東向設

正賓

正齒位云三賓下倣此

席三於賓席之西各南向皆

不屬焉又設堂下衆賓席於西階西南面北上

正齒位

設衆賓席於楹間近南北向東上

設兩壺於賓席之東北少

退玄酒在西加勺冪置籩於壺南東肆實以爵

觶設贊者位於東階東西面北上賓介及賓至

立於廳事大門外之右東向北上執事者俱就

位主人出迎賓於門外之左西面拜賓賓答拜
又西南面拜介介答拜又西南面揖衆賓衆賓
報揖主人又揖賓賓報揖主人先入門而右西
面賓入門而左東面介及衆賓序入立於賓西
南東面北上衆賓非三賓者皆北面東上凡賓
揖周旋皆有相養正齒
位衆賓立於三賓之後主人將進揖當階據禮
作陳
揖賓皆報揖至階主人曰請吾子升賓曰某敢
辭主人曰固請吾子升賓曰某敢固辭主人曰
終請吾子升賓曰某敢終辭主人升自阼階賓
升自西階當楣北面立執罇者徹罍主人適籩

跪取爵與適樽實之進賓席前西北面獻賓賓

西階上北面拜主人少退賓進於席前受爵退

復西階上北面立主人退於阼階上北面拜送

爵賓少退贊者薦脯醢正齒位類於賓席前正齒

位賓以下年六十者三豆七十者四豆八十者五豆九十者及主人皆六豆賓自西

方升席南面立贊者設折俎正齒位無折賓跪

左執爵右取脯醢祭於籩豆之間遂祭酒啐酒

啐嘗也與降席東適西階上北面跪卒爵與適樽

實之進主人席前東南面酢主人主人於阼階

上北面拜賓少退主人進受退復阼階上北面

立賓退復西階上北面拜送爵贊者薦脯醢於
主人席前主人由席東自北方升席贊者設折
俎主人跪左執爵右取脯醢遂祭酒啐酒興自
南方降席復阼階上北面跪率爵執爵興跪奠
爵於東序端興適篚跪取觶實之以酬復阼階
上北面跪奠觶遂拜執觶興賓西階上答拜主
人跪祭遂飲卒觶執觶興適罇實之進賓席前
北面賓拜主人少退賓既拜主人跪奠觶於薦
西興復阼階上位賓遂進席前北面跪取觶復
西階上位主人北面拜送賓進席前北面跪奠

觶於薦東興復西階上位

酬酒不舉者君子不盡人之歡以全交也

主人北面揖遂降立於阼階下西面賓降立於

西階西當西席東面

主人將與介為禮故實不居堂上位

主人進

延介主人揖介介報揖至階一讓主人升阼階

介升西階皆當楣北面立主人詣東序端跪取

爵興適罇實之進於介席前西南面獻介介西

階上北面拜主人少退介進北面受爵退復位

主人於介右北面拜送爵介少退主人立於西

階之東贊者薦脯醢於介席前介進自北方升

席贊者設折俎介跪左執爵右取脯醢遂祭酒

執爵興自南方降席北面跪卒爵執爵興介授
主人爵主人適罇實之以酢於西階上立於介
右北面跪奠爵遂拜執爵興介答拜主人跪祭
遂飲卒爵執爵興進跪奠爵於西楹南還阼階
上揖降介降立於賓南主人於阼階前西面揖
衆賓遂升適西楹南跪取爵適罇實之進於西
階上南面獻衆賓之長升西階上北面拜受爵
主人於衆賓長之右北面拜送贊者薦脯醢於
其席前衆賓之長升席跪左執爵右取脯醢祭
酒執爵興退於西階上立飲訖授主人爵降復

位主人又適罇實之進於西階上南面獻衆賓
之次者如獻衆賓長之禮又次一人升飲亦如
之主人適罇實酒進於西階上南面獻堂下衆
賓每一人升受爵跪祭立飲贊者徧薦脯醢於
其位訖主人受爵奠於篚主人與賓一揖一讓
升賓介衆賓序升即席設工人席於堂廡西階
之東北面東上側邊曰廡工四人入先二瑟後二歌
工持瑟升自西階就位坐工歌鹿鳴卒歌笙入
立於堂下北面奏南陔訖乃間歌南有嘉魚笙
崇丘間代也謂一歌則一吹也乃合樂周南關雎召南鵲巢

合謂歌與衆聲俱作也樂工人訖司正升西階

將間則毋作謠聲不雅之曲司正謂主人之贊禮樂之正既成跪取觶於篚

將留賓慮有懈惰立司正以監之與適罇實之降自西階詣階間右還北面跪奠

觶拱手少立跪取觶遂飲率觶奠觶再拜賓降

席取觶於篚適罇實之詣阼階上北面酬主人

主人降席進立於賓東初起旅酬也凡旅酬者少長以齒賓跪

奠觶遂拜執觶與主人答拜賓立飲率觶適罇

實之進阼階上東南面授主人主人再拜賓少

退主人受觶賓於主人之西北面拜送旅酬同階禮殺

賓揖復席主人進西階上北面酬介介降席自

南方進立於主人西北面主人跪奠觶遂拜執
觶興介答拜主人立飲卒觶適罇實之進西階
上西南面立介拜主人少退介受觶主人於介
東北面拜送主人揖復席司正升自西階北面
立相旅曰某子受酬受酬者降席自西方進北
面立於介右旅序也於是介酬衆賓衆賓又以
次序相酬也某者衆賓也同姓則
以伯仲別之又同則一以某字別之司正退立
受酬者由介東尊介使不失故位於序端東面
其贊相上下介跪奠觶遂拜執
觶興某子答拜介立飲卒觶適罇實之進西階
上西南面授某子某子受觶介立於某子之左

北面揖復席司正曰某子受酬受酬者降自西
方立於某子之左北面某子跪奠觶遂拜執觶
興受酬者答拜某子受立飲卒觶適罇實之進
西階上西南面授之受酬者受觶某子立於受
酬者之右揖復席次一人及堂下衆賓受酬亦
如之於某子卒受酬者以觶跪奠於篚復階下
位司正適阼階上東面受命於主人主人曰請
坐於賓司正迴北面告於賓曰請賓坐賓曰唯

命

賓主之詞皆司正傳

賓坐各就席坐

若賓主俱公服者則皆降脫履於階

下主人先左賓先右禮畢降約如常正齒位於楹間北面乃揚觶而言曰朝廷率由舊章敦行

禮教凡我長幼各相勸勗忠於國孝於親睦於閭門外比於鄉黨無或愆墮以忝所生賓主以下皆再拜司正跪奠觶再拜跪取觶飲卒觶興賓主以下皆坐司正適籥跪奠觶興降復其位

司正降復位乃羞

羞進也所進者肉也

無算

爵

算數也賓主燕飲爵行無數醉而止三賓以

算燕樂亦無數或間或合盡歡而止也

主人之贊者與焉燕訖賓

主俱興賓以下降自西階主人降自東階賓以下出立於門外之西東面北上主人送於門外之東西面再拜賓介逡巡而退

宋史禮志慶元中朱子以儀禮改定主賓僕介之位其主則州以守縣以令位于東南賓以里

居年高及致仕者位于西北僎則州以倅縣以
丞或簿位東北介以次長位西南三賓以賓之
次者司正以衆所推服者相及贊以士之熟于
禮儀者其日質明主人率賓以下先釋菜于先
聖先師退各就次以俟肅賓介與衆賓既入主
人序賓祭酒再拜詣壘洗洗觶至酒尊所酌實
觶授執事者至賓席前跪以獻賓賓酬主人主
人酬介介酬衆賓賓主以下各就席坐訖酒再
行次沃洗贊者請司正揚觶致詞司正復位主
人以下復坐主人興復至阼階楮下僎從賓介

復至西階下立三賓至西階立並南向主人拜
賓介以下再拜賓介與衆賓先自西趨出主人
少立自東出賓以下立于庠門外之右東鄉主
人立于門外之左西鄉僕從主人再拜賓介以
下皆再拜退

朱子行鄉飲酒告先聖文曰一昨朝廷舉行
鄉飲酒之禮而縣之有司奉行不謹容節謬
亂儀矩闕疎甚不足以稱明天子舉遺興禮
之意今者賓興有日熹謹與諸生考協禮文
推闡聖制周旋揖遜一如舊章即事之初敢

以舍菜之禮謹修虔告

天明集禮縣邑飲酒讀律儀注每冬季行事縣

令為主以鄉之老人年六十以上有德行者一

人為賓其次一人為介又其次為三賓又其次

為衆賓鄉人嘗為大夫士而致仕者或寄居之

士大夫年德可尊禮者一人為僎如無則以縣丞主簿為之

無則以衆所推服者一人為司正贊禮一人及

贊引者皆擇士之容貌詳緩習禮儀者為之賓主

各有讀律一人使能者右立賓主介僎設賓席于堂北

兩楹之間冠禮醺于客位今世主席

于阼階上西面

在東楹之東少北

介席于西階上東面

在西楹之西少北

饌席于賓東南面

謂兩楹之間少東世俗謂此處為主

位

三賓席于賓西南面

與賓共為一列

皆專席不屬衆

賓六十以上者席于西序東面北上

堂東西牆謂之序

若賓多則又設席于西階上北面東上僚佐席

于東序西面北上

僚佐謂縣丞以下若丞為僕則主簿典史居此

設衆

賓五十以下者位于堂下西階之西當序東面

北上若賓多則又設位于西階之南北面東上

凡立位皆設席而不坐至無算爵乃坐

司正及讀律者位于堂下

阼階之南北面西上

按儀禮司正位于兩階之間北面而脯鹽薦于其位

今薦脯醢皆設卓案與古異故改位于此設主之贊者位于阼階之

東西面北上

禮主之贊者西面北上無算爵然後與注曰贊者謂主之屬佐主徹

薦沃盥設

設主及僚佐以下次于東廊賓介及

衆賓次于庠門之外僎次亦在門外

右陳席設位次席謂

坐席位謂立位次謂更衣服之所

設酒尊于堂上東南隅加勺

冪用葛巾爵洗于阼階下東南籬一于洗西實

以爵觶盥洗在爵洗東設卓案于堂上下席位

前

按儀禮徧有脯醢皆薦于其位則立者亦當有之但古者席地而坐故薦于地上今難從

陳豆于其上六十者三豆七十者四豆八十者

五豆九十者六豆堂下者二豆主人豆如賓之

數

若九十者為賓六豆則主人亦六豆其餘悉皆倣此

皆實以菹醢賓興

則用

設奠爵卓案于東序端及西楹南各一右

器

若賓興賢能則前一日舍菜于先聖先師如

常儀正齒位則省

右舍菜

其日質明主及賓介以

下各就次執事者省視器饌畢詣主次前告具

乃命鼓人鳴鼓贊引導主及僚佐以下出次及主

僚佐朝服餘深衣

主立于阼階下西面僚佐序立于主

之後皆西面北上司正及讀律者北面西上贊

禮進立于東階之西近堂廉賓之贊引導賓以

下盛服出次序立于庠門外之右介居賓南三

賓居介南衆賓居三賓之後皆東面北上俱仍居吹

不出○班定贊引唱主迎賓贊引進主之左曰

請迎賓乃導主出庠門外西面立僚佐贊引唱

揖主揖賓以下皆揖贊引唱肅賓主揖賓賓報

揖贊引導主先入門左西面立賓之贊引唱揖

賓揖介介揖衆賓序行入門右皆東面立如門

外之序右迎主揖賓遂行當階再揖將及階又

揖賓皆報揖皆贊引唱之至階主阼階下西面

即初位賓西階下東面介居賓南三賓居介南

衆賓居三賓南俱東面北上右序贊禮唱主以

賓升贊引進主之左曰請延賓主與賓三讓主
先升阼階賓升西階俱當楣下北面立贊禮唱
獻賓贊引進於主之右曰請酌酒導主降自阼
階詣盥洗位次詣爵洗位洗爵拭爵以爵授執
事者升詣尊所執事者舉冪主執爵酌酒以爵
授執事者並如釋奠儀至賓席前執爵者以爵授主
主西北面獻賓贊引導賓自西階趨就席末東
南面受爵主揖送爵賓報揖卒爵以爵授執事
者謂賓之執事者蓋將酢於主也主退立于阼階上北面賓退
立于西階上北面如初升右獻賓贊禮唱賓酢主

贊引進賓之左曰請酌酒導賓降自西階執爵者從詣盥洗位爵洗位升自西階詣尊酌酒並如前儀至主席前執爵者以爵授賓賓東南面酢主贊引導主趨就席末西北面受爵賓揖送爵主報揖卒爵賓退立于席末賓之席也酢事畢退立于席末主將與介為禮也主乃以爵奠于東序端卓上復阼階上北面立主退復阼階而不就席末者將有事也○右賓酢主贊禮唱主延介贊引進曰請延介導主降自阼階西南面揖介至階一讓主遂升介升西階並當楣下北面立贊禮唱主獻介贊引進曰請酌酒導主

詣東序端取所奠爵授執事者詣尊所酌酒以爵授執事者如前至介席前執爵者以爵授主主西南面獻介贊引導介自西階上趨就席末北面受爵主乃揖送爵介報揖卒爵以爵授主退立于席末

介之席也

主以爵奠于西楹南退阼階

上北面如初

將與三賓為禮也○右獻介

贊禮唱主獻三賓

贊引導主降阼階西南面三揖衆賓衆賓皆報

一揖主升取西楹南所奠爵酌酒如前進西階上南面獻衆賓之長贊引導衆賓之長一人升西階上北面受爵主揖送爵賓長報揖卒爵以

爵授主賓長就席立于席末

三賓之席也

次導賓長

之次者一人升受爵如前又次一人亦如之主

乃以爵授執事者少退西面立

右獻三賓

贊禮唱獻

衆賓執事者酌酒授主主復進西階上南面獻

衆賓衆賓六十以上者每一人升西階上受爵

卒爵退就西序之席立于席末升者畢主以爵

授執事者下奠于篚堂下者不獻主退就席末

立

右獻衆賓

贊禮唱衆賓皆升位主乃自席末先升

席賓介以下皆自席末升席堂下者皆就位引

僚佐升自東廡就席堂上者坐堂下者立

右升位

贊禮唱僎入贊引導僎出次

僎朝服致仕者入服深衣亦從便

門左主降自阼階迎于門內

賓介降立西階下三賓不降主

與僎揖讓升主升阼階僎升西階當楣北面立

賓介皆升立西階東面北上

贊禮唱主獻僎贊引進曰請酌

酒導主降洗爵詣尊酌酒如賓儀至僎席前

東北面獻僎贊引導僎自西階上趨就席末東

西南面受爵主揖送爵僎報揖卒爵以爵授主

主以授執事者下奠于篚主及賓介各升席

右僎

入無僎則法此條升位後僎始入者儀禮注云不干主賓正禮也

贊禮唱司正

揚觶贊引導司正出位詣盥洗位盥手悅手次

詣爵洗位取觶于篚洗觶拭觶升自西階詣尊
所酌酒進兩楹之間北面立贊者唱在坐者皆
起賓主以下皆起拱立司正乃舉觶而言曰恭
惟朝廷率由舊章敦崇禮教舉行鄉飲非為飲
食凡我長幼各相勸勗為臣竭忠為子盡孝內
穆於閨門外順于鄉黨無或廢墜以忝所生言
畢揖賓主以下皆揖司正遂飲率爵復揖以爵
授執事者降自西階復位賓主以下復坐
贊禮唱讀律執事者設律案于堂上兩楹之間
次引讀律者出位詣盥洗所盥手悅手訖乃升

右揚
觶

自西階執律者以律從至案前北面立執律者以律置案上立于案傍西面在坐者皆起讀律者揖賓主以下皆揖復坐乃展律詳緩讀之畢在坐者又起讀律者揖賓主以下皆揖讀律者降自西階復位執律者以律從如初右讀律者賓興賢能者行酒酒三行或五行食三品或五品徧及主之贊者皆與右無算爵贊禮唱禮畢主興降自阼階賓以下降自西階僚佐降自東廡堂下衆賓以序俱出至門外主門左西面僚佐以下列主之

後賓門右東面介居賓南三賓居介南衆賓居

後贊引唱揖賓主以下皆揖退

右賓出

[大明會典]洪武十六年頒行鄉飲酒禮圖式各
處府州縣每歲正月十五日十月初一日於儒
學行鄉飲酒禮酒肴於官錢約量支辦務要豐
儉得宜除賓僎外衆賓序齒列坐其僚屬則序
爵前一日執事者於儒學之講堂依圖陳設坐
次司正率執事者習禮至日黎明執事者宰牲
具饌主席及僚屬司正先詣學遣人速賓僎以
下比至執事者先報曰賓至主席率僚屬出迎

於庠門之外以入主居東賓居西三讓三揖而後升堂東西相向立贊兩拜賓坐執事者又報曰僎至主席又率僚屬出迎揖讓升堂拜坐如前儀賓僎介至既就位執事者唱司正揚觶執事者引司正由西階升詣堂中北向立執事者唱賓僎以下皆立唱揖司正揖賓僎以下皆報揖執事者以觶酌酒授司正司正舉酒曰恭惟朝廷率由舊章敦崇禮教舉行鄉飲非為飲食凡我長幼各相勸勉為臣盡忠為子盡孝長幼有序兄弟恭內睦宗族外和鄉里無或廢墜

以忝所生讀畢執事者唱司正飲酒飲畢以觶授執事者執事者唱揖司正揖賓僎以下皆報揖司正復位賓僎以下皆坐唱讀律令執事者舉律令案於堂之中引禮引讀律令者詣案前北向立唱賓僎以下皆拱立行揖禮如揚觶儀然後讀律令有過之人俱赴正席立聽讀畢復位執事者唱供饌案執事者舉饌案至賓前次僎次介次主三賓以下各以次舉訖執事者唱獻賓主起席北面立執事者斟酒以授主主受爵詣賓前置於席稍退贊兩拜賓答拜訖執事

者又斟酒以授主主受爵詣僎前置於席交拜如前儀畢主退復位執事者唱賓酬主賓起僎從之執事者斟酒授賓賓受酒詣主前置於席稍退贊兩拜賓僎主交拜訖各就位坐執事者分左右立介三賓衆賓以下以次斟酒於席訖執事者唱飲酒或三行或五行供湯又唱斟酒飲酒供湯三品畢執事者唱徹僎俟徹僎案訖唱賓僎以下皆行禮僎主僚屬居東賓介三賓衆賓居西贊兩拜訖唱送賓以次下堂分東西行仍三揖出庠門而退

國朝五禮儀每年孟冬開城府諸道州府郡縣

擇吉辰行其禮前一日主人所在官司戒賓擇年高有德及

有才行者其日設主人位於學堂東壁西向賓二品

以上位於西壁東向北上三品以下位於南行

東上同品尚齒著無二品以上西壁庶人於

庭東西相向北上設酒卓於前楹間近南不升

者酒卓於其前賓以下依時刻集到主人出迎

于門外凡賓主行禮皆相者指導揖讓先入賓乃入衆賓從

之至于堂主人在東賓在西賓再拜主人答再

拜次衆賓行禮如上儀衆外就主人在庭行禮主人

無答

主人與賓以下皆就位工執琴瑟升坐於酒

卓之南東上奏樂如常

本無樂處不必用樂

執事者設卓

酌酒主人獻賓賓酢主人如常禮

衆賓同唯在庭者執事者

行酒觴行五遍訖徹卓賓主皆興司正出位

位在南行

衆賓

北向立乃言曰仰惟國家率由舊章崇尚

禮教今茲舉行鄉飲非專為飲食而已凡我長

幼各相勸勉忠於國孝於親內睦於閨門外比

於鄉黨胥訓告胥教誨無或愆墮以忝所生在


位者皆再拜如初賓降出衆賓隨出主人送于


門外如常禮

十一置應赴飲人籍一赴飲人年七十以上及官二品以上者以禮專

請之其餘以列位請之七十以上免拜一行禮
有期而有疾故不能赴者前期具狀免一鄉飲
酒之設所以尊高年尚有德興禮讓敢有誼譁
者許揚解者以禮責之其或因而失禮者除其
籍一司正以衆所推服者為之相者以熟於
禮者為之一酒肴酌量支辦務要豐儉得宜

鄉禮合編卷之一





禮部